


淨土法事讚


下



漢書門		
三	二	九
九	三	號
二	二	函
冊	架	類

三	三	號
〇	二	書
二	二	冊
架	架	類

內閣文庫	
番號	漢 3293
冊數	2 (2)
函號	310 85



安樂行道轉經願

注淨土法庫讚卷下

沙門善導集記

高座入文

如是

與夫

漢眾所知

迦葉摩訶迦旃延

槃陀伽難陀阿難陀

盧頗羅臨迦留陀夷

我聞一時佛在舍衛國祇樹給孤獨園

比丘眾千二百五十人俱皆是大阿羅

漢眾所知識長老舍利弗摩訶目犍連摩訶

迦葉摩訶迦旃延摩訶俱絺羅離婆多周利

槃陀伽難陀阿難陀羅睺羅憍梵波提賓頭

盧頗羅臨迦留陀夷摩訶訶切賓那薄拘羅阿

兔樓馱如定等諸大弟子并諸菩薩摩訶薩
文殊師利法王子阿逸多菩薩乾陀訶提菩
薩常精進菩薩與如是等諸大菩薩及釋提
桓因等無量諸天大眾俱
下接高讚云十二百五十八人與諸大阿
願往生願往生諸佛大悲心無二方便化門
等無殊捨彼莊嚴無勝土八相示現出閻浮
或現真形無利物或同雜類化凡愚分身六
道無停息變現隨宜度有流有流見解心非

一故有八万四千門所門不同亦非別別別
之門還是同同故即是如來致別故復是慈
悲心悲心念念緣三界人天四趣罪根深過
現諸佛皆來化無明業障不相逢慙愧釋迦
弘誓重不捨娑婆十惡叢希遇道場聞淨土
騰神未逝出煩籠衆等傷心共悲嘆手執香
華常供養

高接下讚云
願往生願往生釋迦如來成正覺四十九載

度衆生五、天竺國、皆行化、邪魔外道盡歸宗、
天上天下無過佛、慈悲救苦、實難逢、或放神
光、遍六道、蒙光觸者、起慈心、或住、或來、皆盡
益三塗、末純斷、追尋、或震大地、山河海、爲覺
萌冥信、味深、或自說法、教相勸、展轉相將、入
法林、法林即是彌陀國、逍遙快樂、不相侵衆
等、傾心皆願、往手執香華、常供養、
高接下讚云、下接高讚云、
願往生、願往生、如來教法、元無二正、爲衆生

機不同、一音演說、隨緣悟、不留殘結、證生空、
或現神通、或說法、或服外道、滅魔蹤、自利、一
身、雖免縛、悲心普益、純無功、灰身滅智、無餘
證、二万劫盡、復生心、生心覺動、身還現、諸佛
先教、發大衆衆等、迴心生淨土、手執香華、常
供養、

下接高讚云

高接下讚云

願往生、願往生、菩薩大衆、無央數、文殊師利、
最爲尊、發大慈悲、行苦行、不違、願衆生

或現上好莊嚴相或現上好莊嚴身含靈覩見皆生喜爲說妙法入真門十方佛國身皆到助佛神化轉法輪衆等迴心生淨土手執香華常供養

高接下讚云 下接高讚云

願往生願往生與佛聲聞菩薩衆同遊舍衛住祇園願閉三塗絕六道開顯無生淨土門人天大衆皆來集瞻仰尊顏聽未聞見佛聞經同得悟畢命傾心入寶蓮擔到彌陀養

界還來穢國度入天願我慈悲無際限一時長劫報慈恩衆等迴心生淨土手執香華常供養

高接下讚云 下接高讚云

高座入文

爾時佛告長老舍利弗從是西方過十萬億佛土有世界名曰極樂其土有佛号阿彌陀今現在說法舍利弗彼土何故名爲極樂其國衆生無有衆苦但受諸樂故名極樂

下接高讚云

願往生願往生人天大眾皆圍遶願心合掌
願聞經佛知凡聖機時悟即告舍利用心聽
一切佛土皆嚴淨凡夫亂想恐難生如來別
指西方國從是超過十萬億七寶莊嚴最
勝聖衆人天壽命長佛号彌陀常說法極樂
衆生障自亡衆等迴心願生彼手執香華常
供養

高接下讚云

下接高讚云

高座入丈

又舍利弗極樂國土七重欄楯七重羅網七
重行樹皆是四寶周市圍遶是故彼國名曰
極樂

下接高讚云

願往生願往生三界衆生無智慧憍憍六道
內安身諸佛慈心為說法聾盲聾突伴不聞
忽尔無常苦來逼精神錯亂始驚忙万事家
生皆捨離專心發願向西方彌陀名号相續

高讚下

五

念化佛菩薩眼前行或為華鬘或授手須臾
命盡佛迎將眾等迴心皆願往手執香華常
供養

高接下讚云 下接高讚云

願往生願往生歷劫已來未聞見西方淨土
寶莊嚴地上虛空皆遍滿珠羅寶網百千重
一一網羅結珍寶玲瓏雜色盡暉光寶樹枝
條異相間行行整直巧相當此是彌陀悲願
力無衰無變湛然常眾等迴心皆願往手執

香華常供養

高接下讚云 下接高讚云

高座入文

又舍利弗極樂國土有七寶池八功德水充
滿其中池底純以金沙布地四邊階道金銀
瑠璃玻瓈合成上有樓閣亦以金銀瑠璃玻
瓈碑磔赤珠碼碯而嚴飾之池中蓮華大如
車輪青色青光黃色黃光赤色赤光白色白
光微妙香潔舍利弗極樂國土成就如是功

德在嚴

下接高讚云

願往生願往生極樂世界廣清淨地上在嚴
難可量八功香池流遍滿底布金沙照異光
四邊階道非一色岸上重樓百万行真珠碼
碯相映鏤四種蓮華開即香十方人天得生
者各坐一箇聽真常是故彼國名極樂衆等
持華來供養

高接下讚云

下接高讚云

高座入文

又舍利弗彼佛國土常作天樂黃金爲地晝
夜六時雨天曼陀羅華其國衆生常以清且
各以衣被盛衆妙華供養他方十万億佛即
以食時還到本國飯食經行舍利弗極樂國
土成就如是功德莊嚴

下接高讚云

願往生願往生彌陀佛國最爲勝廣大寬平
實是精天樂音聲常遍滿黃金爲地間奇珍

晝夜六時華自散法音常說自然聞彼國衆
生更無事衣被盛華諸十方一一親承修供
養塵勞垢習永消亡種種隨心皆稱意無不
利益是真常欸尔飛騰還本國飯食經行七
寶臺衆等傾心皆願往手執香華常供養

高接下讚云 下接高讚云

高座入文

復次舍利弗彼國常有種種奇妙雜色之鳥
白鵠孔雀鸚鵡舍利迦陵頻伽共命之鳥是

諸衆鳥晝夜六時出和雅音其音演暢五根
五力七菩提分八聖道分如是等法其土衆
生聞是音已皆悉念佛念法念僧舍利弗汝
勿謂此鳥實是罪報所生所以者何彼佛國
土無三惡趣舍利弗其佛國土尚無三惡道
之名何況有實是諸衆鳥皆是阿彌陀佛欲
令法音宜流變化所作舍利弗彼佛國土微
風吹動諸寶行樹及寶羅網出微妙音譬如
百千種樂同時俱作聞是音者皆自然生念

佛念法念僧之心舍利弟其佛國土成就如是功德莊嚴

下接高讚云

願往生願往生道場清淨希難見彌陀淨土甚難聞難聞難見今得會如說修行專意專願佛慈悲遙攝受臨終寶座現其前既見華臺心踊躍從佛逍遙歸自然自然即是彌陀國無漏無生還即真行來進止常隨佛證得無為法性身衆等迴心皆願往手執香華常

供養

高接下讚云

下接高讚云

願往生願往生極樂莊嚴間雜寶寶是希奇聞未聞寶鳥臨空讚佛會文文句句理相同晝夜連聲無有息哀婉雅亮發人心或說五根七覺分或說八聖慈悲門或說十方離惡道或說地獄封人天或說長時修苦行或說無上菩提因或說散善波羅蜜或說定惠入深禪菩薩聲聞聞此法處處分身轉法輪衆

等迴心皆願注手執香華常供養

高接下讚云

願往生願往生極樂莊嚴出三界入天雜類
等無為法藏行因廣弘願設我得佛現希奇
或現鳥身能說法或現無請能應機或使微
波出妙響或使林樹讚慈悲或使風光相應
動或令羅網說音辭一切莊嚴聲遍滿恒沙
天樂自依時為引他方凡聖類故佛現此不
思議我等以此之身毛豎碎骨慚謝阿彌師一

受專精不命須臾即到豈為遲眾等迴心

皆願往執香華常供養

下接高讚云 高接下讚云

願往生願往生彌陀佛國真嚴淨三惡六道
永無名事事莊嚴難可識種種妙微甚為精
地迴寬平眾寶間一同光五百光一一光
成寶臺座一一座上百千堂千堂化佛塵沙
會眾生入者共相量無數音聲遊空轉化天
童子散華香晝夜六時無間息地上虛空難

可量八德香池隨意入維維由人無淺深或
出或沒三禪樂徐徐相喚入檀林檀林寶座
行行別聖衆猶若起日月日月即是長時劫
或坐或立或遊方到處唯聞無上法永絕凡
夫生死殃是故彼國名安樂衆等迴心願往
生往生彼國無餘事手執香華常供養

高接下讚云

下接高讚云

高座入文

舍利弗於於心意云何彼佛何故故號阿彌陀舍

利弗彼佛光明無量照十方國無所障

故號為阿彌陀又舍利弗彼佛壽命及其入

民無量無邊阿僧祇劫故名阿彌陀舍利弗

阿彌陀佛成佛已來於今十劫又舍利弗彼

佛有無量無邊聲聞弟子皆阿羅漢非是算

數之所能知諸菩薩衆亦復如是舍利弗彼

佛國土成就如是功德莊嚴

下接高讚云

願往生願往生果得得常住世壽命延長

難可量千劫万劫恒
一坐無移亦不動徹窮後際放身光靈儀相
好真金色巍巍獨坐度衆生十方凡聖專心
向分身遣化往相迎一念無空入佛會身色
壽命盡皆平衆等迴心皆願往手執香華常
供養
高接下讚云
下接高讚云

願往生願往生彼佛從因行苦行勇猛專精
無退時一坐百劫長時劫難作能作不生

自利利他同斷惡不捨恚憎由大悲有識含
靈皆普化同因同行至菩提擔願在嚴清淨
土見聞歡喜證無爲衆等迴心皆願往手執
香華常供養

下接高讚云

願往生願往生彌陀化主當心坐華臺獨迴
最爲精百億摩尼間雜寶葉葉莊嚴相自成
正覺已來經十劫心緣法界照慈光蒙光觸
者塵勞滅臨終見佛心方到彼華開入大

會無明煩惱自然止息。以自然乘佛願。須臾
令掌神通。彼佛聲聞菩薩眾塵沙筭數亦
難窮。願我今生強發意。畢命往彼聖人聚眾
等傾心願往生。手執香華。常供養
高接下讚云 下接高讚云

高座入文

又舍利弗。極樂國土眾生。生者皆是阿鞞跋
致。其中多有。一生補處。其數甚多。非是筭數
所能知之。但可以無量無邊阿僧祇劫。說舍

利弗眾。生聞者。應當發願。願生彼國。所以者
何。得與如是諸上善人俱會。一處舍利弗不
可以少善根福德。因緣得生彼國。
下接高讚云

願往生。願往生。釋迦如來。告身子。即是普告
苦眾生。娑婆六道。非安處。冥冥長夜闇。中行
聖化同居。不相識。動生瞋毒。闕無明。為此無
則。六道愛憎高下。何時平。既無善業。排生
死由。貧造罪。未心驚。此人皮裹驢骨。三塗

自入不頂爭我等聞之心隨痛捨願頓捨世
間樂善願迴心生淨土手執香華常供養

高接下讚云

下接高讚云

願往生願往生娑婆極苦生處極樂無為
實是精九品俱迴得不退阿鞞跋致即無生
非直初生無限極十地已下却難窮如此大
海塵恒沙有緣到者入其中四種威儀常見
佛行來進止駕神通六識縱橫自然悟末藉
思量一念幼普勸同生善知識專心專住往

西方眾等迴心皆願往手執香華常供養

下接高讚云

高座入文

舍利弗若有善男子善女人聞說阿彌陀佛
執持名号若一日若二日若三日若四日若
五日若六日若七日一心不亂其人臨命終
時阿彌陀佛與諸聖眾現在其前是人終時
心不顛倒即得往生阿彌陀佛極樂國土舍
利弗我見是利故說此若有眾生聞是說

者應當發願生彼國土

下接高讚云

願往生願往生極樂無為涅槃界隨緣雜善
恐難生故使如來選要法教念彌陀專復勇
七日七夜心無間長時起行倍皆然臨終聖
衆持華現身心踊躍坐金蓮坐時即得無生
惡一念迎將至佛前法侶將衣競來著證得
不退入三賢衆等迴心發願往生并執香華常
供養

高接下讚云

下接高讚云

願往生願往生彌陀侍者二菩薩号曰無邊
觀世音一切時中助佛化分身六道起慈心
念念隨機為說法惛惛難悟罪根深百計千
萬數出世萬中無一出煩籠念汝衆生長劫
苦諸佛對面不相逢入天少善尚難辯何況
無為證六通雖得見聞希有法處心懈怠益
切縱使連年放脚走趁得貪嗔滿内胸貪
嗔即是身三業何閑淨土裏真空寄語同生

善知識念佛慈悲入聖眾等傾心皆願往
高接下讚云
高座入文
舍利弗如我今者讚歎阿彌陀佛不可思議
功德東方亦有阿闍鞞佛須彌相佛大須彌
佛須彌光佛妙音佛如是等恒河沙數諸佛
各於其國身廣長舌相徧覆三千大千世界
說誠實言汝等眾生當信是稱讚不可思議

功德一切諸佛所讚念經

下接高讚云

願往生願往生釋迦如來常讚嘆東方恒沙
等覺尊大悲同化心無二一佛施功多亦然
為斷凡夫疑見執皆舒舌相覆三千共證七
日稱名号又表釋迦言說真終時正意念彌
陀見佛慈光來照身乘此弥陀本願力一念
之間入寶堂寶堂莊嚴無限極化佛聖眾坐
思量心性明於百千日悲智雙行法爾常我

今既到無為處普願含靈歸此方衆等願心
皆願往手執香華常供養

高接下讚云 下接高讚云

高座入文

舍利弗南方世界有日月燈佛名聞光佛大
焰肩佛須彌燈佛無量精進佛如是等恒河
沙數諸佛各於其國出廣長舌相徧覆三千
大千世界說誠實言汝等衆生當信是稱讚
不可思議功德一切諸佛所護念經

下接高讚云

願往生願往生南方諸佛如恒沙亦舒舌相
覆三千為其本國凡聖衆讚嘆釋迦變現身
出現娑婆五濁內標心為化罪根人我見邪
貪增上慢教令出世反生瞋念汝衆生流浪
久諸佛誠言謂不真衆等迴心生淨土手執
香華常供養

高接下讚云 下接高讚云

高座入文

舍利弗西方世界有無量壽佛無量相佛無
量幢佛大光佛大明佛寶相佛淨光佛如是
等恒河沙數諸佛各於其國出廣長舌相徧
覆三千大千世界說誠實言汝等衆生當信
是稱讚不可思議功德一切諸佛所護念經
下接高讚云

願往生願往生西方諸佛如恒沙各於本國
讚如來分身百億閻浮內示現八相大希新
五濁凡夫將謂實六年苦行證無爲降魔成

道說妙法種種方便不思議普勸衆生歸淨
土前思却慮更生疑我今舒舌以爲證西方
極樂必須依衆等迴心皆願往生手執香華常
供養

高接下讚云
下接高讚云

高座入文

舍利弗北方世界有燃燈佛最勝音佛難翅
佛日生佛網明佛如是等恒河沙數諸佛各
於其國出廣長舌相徧覆三千大千世界說

誠實言汝等衆生當信是稱讚不可思議功德一切諸佛所護念經
下接高讚云
願往生願往生北方諸佛如恒沙皆舒舌相證牟尼爲我凡夫來出世隨緣說法應時機時機相感聞即悟如說修行不致疑七日稱名無間雜身心踊躍喜還悲慶得希聞自家國諸佛證判得還歸衆等迴心皆願往生執香華常供養

高接下讚云
下接高讚云

高座入文

舍利弗下方世界有師子佛名聞佛名光佛達摩佛法幢佛持法佛如是等恒河沙數諸佛各於其國出廣長舌相徧覆三千大千世界說誠實言汝等衆生當信是稱讚不可思議功德一切諸佛所護念經

下接高讚云

願往生願往生下方諸佛如恒沙各於本國

高讚下

度衆生證讚釋迦出五濁能爲難事化群萌
善巧隨宜令斷惡偏心指授向西行一切福
業皆迴向終時化佛自來迎利根智者聞歡
喜忽憶三塗心即驚驚心毛豎勤懺悔恐罪
不滅墮深坑衆等迴心生淨土手執香華常
供養

高接下讚云

下接高讚云

高座入文

舍利弗上方世界有梵音佛宿王佛香上佛

香光佛大焰肩佛雜色寶華嚴身佛娑羅樹
王佛寶華德佛見一切義佛如須彌山佛如
是等恒河沙數諸佛各於其國出廣長舌相
徧覆三千大千世界說誠實言汝等衆生當
信是稱讚不可思議功德一切諸佛所護念
經

下接高讚云

願往生願往生上方諸佛如恒沙還舒舌相
爲娑婆十惡五逆多疑謗信邪事鬼餒神魔

妄想求恩謂有福灾障禍橫轉彌多連年卧
病於床枕靜盲脚折手攣搬承事神明得此
報如何不捨念彌陀彌陀願力皆平等但使
迴心華自捧一念逍遙快樂國畢竟常安無
退勤衆等迴心願生彼手執香華常供養
高接下讚云下接高讚云
高座入文
舍利弗於汝意云何何故名爲一切諸佛所
護念經舍利弗若有善男子善女人聞是諸

佛所說名及經名者是諸善男子善女人皆
爲一切諸佛共所護念皆得不退轉於阿耨
多羅三藐三菩提是故舍利弗汝等皆當信
受我語及諸佛所說舍利弗若有人已發願
今發願當發願欲生阿彌陀佛國者是諸人
等皆得不退轉於阿耨多羅三藐三菩提於
彼國土若已生若今生若當生是故舍利弗
諸善男子善女人若有信者應當發願生彼
國土

下接高讚云

願往生願往生釋迦如來大慈悲應現娑婆
度有緣有緣遍滿三千界隨機示悟斷貪癡
摠勸厭此人天樂無常八苦火燒又念佛誦
經除罪障諸佛遙加護念身晝夜六時強發
願持心不散業還成業成見佛華臺主須臾
變作紫金臺從佛逍遙入寶國畢竟永絕愁
憂聲衆等迴心皆願往手執香華常供養

高接下讚云

下接高讚云

高座入文

舍利弗如我今者稱讚諸佛不可思議功德
彼諸佛等亦稱說我不可思議功德而作是
言釋迦牟尼佛能為甚難希有之事能於娑
婆國土五濁惡世劫濁見濁煩惱濁衆生濁
命濁中得阿耨多羅三藐三菩提為諸衆生
說是一切世間難信之法舍利弗當知我於
五濁惡世行此難事得阿耨多羅三藐三菩
提為一切世間說此難信之法是為甚難佛

說此經已舍利弗及諸比丘一切世間天人
阿修羅等聞佛所說歡喜信受作禮而去
下接高讚云

願往生願往生世尊慇懃告身子表知諸佛
大悲同互相讚德心無異巧應時機谷有功
六方如來皆讚嘆釋迦出現甚難逢正治五
濁時興盛無明頑硬似高峯劫濁時移身漸
小衆生濁惡等蛇龍惱濁滿過塵數愛僧
違順若丘山見濁叢林如棘刺命濁中天刹

那間依正二報同時滅背正歸邪橫起怨九
十五種皆汚世唯佛一道獨清閑出到菩提
心無盡還來火宅度人天衆等迴心皆願往
手執香華常供養

高接下讚云 下接高讚云

願往生願往生如來出現於五濁隨宜方便
化群萌或說多聞而得度或說少解證三明
或教福惠雙除障或教禪念坐思量種種法
門皆解脫無過念佛往西方上盡一形至十

念三念五念佛來迎直為彌陀弘誓重致使
凡夫念即生眾等迴心皆願往手執香華常
供養

下接高讚云

願往生願往生世尊說法時將了慇懃付屬
彌陀名五濁增時多疑謗道俗相嫌不用聞
見有修行起嗔毒方便破壞競生怨如此生
盲闇提輩毀滅煩教永沉淪超過大地微塵
劫未可得離三塗身大眾同心皆懺悔所有

破法罪因緣眾等迴心生淨土手執香華常
供養

高接下讚云

下接高讚云

高座待下座聲盡即為大眾惣懺悔云
弟子道場眾等爾許多人各各標心愧謝諸
佛真空幽顯得道聖人三十三天等一切天
神地神虛空山林河海神等天曹地府閻羅
伺命五道太山三十六王地獄典領一切靈
祇等及此道場尊經舍利形像靈儀等唯願

大悲光威神加備護念攝受證明今日道場
主某甲及余許多人披心懺悔弟子某甲等
自從無身有身無識有識已來乃至今日至
於今時於其中間所作身口意業十惡之罪
無量無邊或放縱身業殺害劫奪一切地獄
畜生衆生水陸虛空蠕動之類不可知數或
殺害劫奪一切修羅鬼神衆生水陸虛空蠕
動之類不可知數或殺害劫奪一切人天三
寶師僧父母六親眷屬善知識法界衆生不

可知數或故煞悞煞戲笑煞自然教他煞隨
喜煞相續煞無間煞愛憎違順煞放逸煞貪
味爲財煞如是等煞罪無量無邊今對道場
凡聖發露懺悔永盡無餘懺悔已至心歸命
阿彌陀佛

下接高和云
懺悔已至心歸命阿彌陀佛
高接下懺云
弟子衆等次當懺悔偷盜罪或放縱身業偷

盜劫奪一切地獄畜生衆生水陸虛空蠕動
之類不可知數或偷盜劫奪一切修羅鬼神
衆生水陸虛空蠕動之類不可知數或偷盜
劫奪一切人天三寶師僧父母六親眷屬善
知識法界衆生不可知數或故盜悞盜戲笑
盜自盜教他盜隨喜盜放逸盜無間盜愛憎
盜違順盜貪味爲財盜如是等偷盜罪無量
無邊今對道場凡聖發露懺悔求盡無餘懺
悔已至心歸命阿彌陀佛

之類不可知數或欺誑一切修羅鬼神衆生
水陸虛空蠕動之類不可知數或欺誑一切
人天三寶師僧父母六親眷屬善知識法界
衆生不可知數或常作無間故作悞作戲
笑作自作教他作隨喜作邪貪惡貪作如是
等欺誑罪無量無邊今對道場凡聖發露懺
悔未盡無餘懺悔已至心歸命阿彌陀佛
下接高和云

懺悔已至心歸命阿彌陀佛

高接下懺云

弟子眾等次當懺悔調戲之罪或放縱口業
調戲輕味一切地獄畜生眾生水陸虛空蠕
動之類不可知數或調味一切修羅鬼神眾
生水陸虛空蠕動之類不可知數或調味一
切人夫三寶師僧父母六親眷屬善知識法
界眾生不可知數或常作無間作故作悞作
戲笑作自作教他作隨喜作如是等調味之
罪無量無邊今對道場凡聖發露懺悔求盡

下接高和云

懺悔已至心歸命阿彌陀佛

高接下懺云

弟子眾等次當懺悔邪婬顛倒罪或放縱身
業起於邪婬或逼掠一切畜生眾生水陸虛
空蠕動之類不可知數或起婬逼掠一切鬼
神眾生水陸虛空蠕動之類不可知數或起
婬心逼掠一切師僧父母六親眷屬善知識
法界眾生不可知數或放逸作故作悞作戲

笑作自作教他作隨喜作無慙愧作相續作
無間作邪貪惡貪作如是等邪矯罪無量無
邊今對道場凡聖發露懺悔永盡無餘懺悔
已至心歸命阿彌陀佛
下接高和云

懺悔已至心歸命阿彌陀佛
高接下懺云

弟子眾等次當懺悔口業辱詆罪或放縱口
業欺誑一切地獄畜生眾生水陸虛空蠕動

無餘懺悔已至心歸命阿彌陀佛

下接高和云

懺悔已至心歸命阿彌陀佛

高接下懺云

弟子眾等次當懺悔惡口罪或放縱口業罵
辱誹謗毀咎一切地獄畜生眾生水陸虛空
蠕動之類不可知數或罵辱誹謗毀咎一切
修羅鬼神眾生水陸虛空蠕動之類不可知
數或罵辱誹謗毀咎一切人天三寶師僧父

母六親眷屬善知識法界衆生不可知數或
常作無間作故作悞作戲笑作自作教他作
隨喜作邪貪惡貪作如是等惡口罪無量無
邊今對道場凡聖發露懺悔永盡無餘懺悔
已至心歸命阿彌陀佛
下接高和云
懺悔已至心歸命阿彌陀佛
高接下懺云
弟子衆等次當懺悔兩舌罪或放縱口業

舌鬪亂破壞一切畜生衆生水陸虚空蠕動
之類不可知數或鬪亂破壞一切修羅鬼神
衆生水陸虚空蠕動之類不可知數或鬪亂
破壞一切人天三寶師僧父母六親眷屬善
知識法界衆生不可知數或常作無間作故
作悞作戲笑作自作教他作隨喜作邪貪惡
貪作如是等兩舌衆無量無邊今對道場凡
聖發露懺悔永盡無餘懺悔已至心歸命阿
彌陀佛

下接高和云

懺悔已至心歸命阿彌陀佛

高接下懺云

弟子眾等次當懺悔意業罪或起邪貪惡貪
動身口意業不可知數或起邪瞋動身口意
業不可知數或起邪癡顛倒惡見顛倒動身
口意業不可知數或因意業造作身業十惡
之罪不簡凡聖六道眾生親疎人畜等眾生
不可知數或故作悞作常作無間作自作教

他作隨喜作如是等意業罪無量無邊今對
道場凡聖發露懺悔永盡無餘揔懺十惡罪
竟至心歸命阿彌陀佛

下接高和云

懺悔已至心歸命阿彌陀佛

此十惡即攝一切惡盡今懺悔十惡罪者即
懺一切罪盡應知

下接高讚云

願往生願往生三界無安如火燒之周障

竟出門門門不同八万四千各各眼
棄棄欲出還迴去為箇無明悞然久貪財愛
色無厭足虛華幻惑詐相親財盡也落相嫌
恨須臾義斷若屠怨屠怨遍滿娑婆內有識
含情皆亦然為此如來偏指授勸使專修淨
土凡淨土因成自然到終時合掌奉香烟香
烟直注彌陀佛聖眾持華迎我身即坐華臺
其金色到彼無漏真復真眾等悲流皆願往
手執香華常供養

高接下讚云

下接高讚云

願往生願往生却欲盡時五濁盛眾生邪見
甚難得專專指授歸西路為他破壞還如故
曠已來常如此非是今生始自悟正由不
遇好強緣致使輪迴難得度今日今時聞要
法果命為期擔堅固堅固持心不惜身慙愧
釋迦諸佛恩標心為說西方樂欲復齊歸入
正門正門即是彌陀界究竟解脫斷根源去
來他鄉不可停從佛歸家還本行願

自然成衆等各各生淨土手執香華
高接下讚云

願往生願往生大衆人人皆合掌碎身慙謝
釋迦恩能得慈悲巧方便指授西方快樂門
道場欲散人將別努力相勸斷貪瞋貪瞋因
緣聖土不得自悟永沉淪同行相親相策
勸異命為期到佛前願此法輪相續轉道場
施主益長年大衆咸同受安樂見聞隨喜亦
皆然普願迴心生淨土手執香華常供養

下接高讚云 高接下讚云

又誦經唱讚已高座即令一人行香與大衆
行華次當讚人等向行道處立又令小者唱
禮法養及如法行道唱已其散華法用一如
上或三币或七币竟即當佛前立次唱後讚
高座唱讚 下座和云

般舟三昧樂 願往生 大衆人人皆合掌 無量樂

般舟三昧樂 願往生 道場聖衆欲斷愛 無量樂

衆等傷心共傷歎 願往生 唯知慚謝 無量樂

高讚下

般舟三昧樂 願往生

不因釋迦佛開悟 願往生

般舟三昧樂 願往生

四十八願慇懃喚 願往生

般舟三昧樂 願往生

無有非福時多少 願往生

般舟三昧樂 願往生

三業專心無雜亂 願往生

般舟三昧樂 願往生

悲喜交流 願往生

彌陀名願何時聞 無量樂

荷佛慈恩實難報 無量樂

乘佛願力往西方 無量樂

娑婆安永別更何憂 無量樂

一心念佛莫生疑 無量樂

六方如來證不虛 無量樂

百寶蓮華應時見 無量樂

臨終聖眾自來迎 無量樂

行六念佛心歡喜 願往生

跡隨接手坐華臺 無量樂

般舟三昧樂 願往生

坐已身同紫金色 無量樂

從佛須臾至寶國 願往生

直入彌陀大會中 無量樂

般舟三昧樂 願往生

見佛莊嚴無數億 無量樂

三明六通皆具足 願往生

憶我閻浮同行人 無量樂

般舟三昧樂 願往生

同行相親願莫退 無量樂

七周行道散華竟 願往生

供養眞空諸佛會 無量樂

般舟三昧樂 願往生

大會頂禮別彌陀 無量樂

行道散華七周竟次向佛前唱云

慙愧_ニ隨諸聖眾_ヲ願往生

受我施主眾_ニ上請_ヲ願

般舟三昧樂_ヲ願往生

慈悲平等度眾_ヲ生_ヲ無量樂

證明功德除罪障_ヲ願往生

存亡利益難思議_ヲ無量樂

般舟三昧樂_ヲ願往生

形枯命逝佛前期_ヲ無量樂

供養莊嚴不如法_ヲ願往生

布施眾_ニ生歡喜心_ヲ無量樂

般舟三昧樂_ヲ願往生

見聞流淚同懺悔_ヲ無量樂

散華行道訖_ヲ願往生

諸佛隨緣還本國_ヲ無量樂

般舟三昧樂_ヲ願往生

普散香華心送佛_ヲ無量樂

般舟三昧樂_ヲ願往生

願佛慈心遙護念_ヲ無量樂

般舟三昧樂_ヲ願往生

同生相勸盡須來_ヲ無量樂

次打磬子_ヲ唱敬禮常性三寶_ヲ

次唱歎佛咒願_ヲ

歎佛竟即依法唱七禮敬唱隨意_ヲ

竊以_{カニ}彌陀妙果_ヲ号曰無上涅槃國土則廣大

莊嚴遍滿自然眾寶觀音大士右侍靈儀勢

至慈尊則右邊供養三華獨迥寶纒臨軀珠

內輝光天聲外繞聲聞菩薩數越塵沙化鳥

天向無不遍會他方聖眾起若_ク云奔_ル感同

生過踰盛雨十方來者皆到佛邊鼓樂歌
香華繞讚供養周訖隨處遍歷親承或入百
寶池渠會或入寶樓宮殿會或入寶林寶樹
會或上虛空會或入大眾無生法食會如是
清淨莊嚴大會聖眾等同行同坐同去同來
一切時中無不證悟西方極樂種種莊嚴歡
莫能盡然今清信弟子某甲等亦許多人知
身假合四大共成識命存危譬似嚴霜對日
十方六道同此輪迴無際循循沉愛波而沉

苦海佛道人身難得今已得淨土難聞今已
聞信心難發今已發仰惟今時同生知識等
亦許多人恐畏命同石火又照難期識性無
常逝踰風燭故人人同願共結往生之業各
誦彌陀經亦許萬遍念彌陀名亦許萬遍又
造某功德等普皆周備故於某月日莊嚴院
宇瑩飭道場奉請僧尼宿宵行道又以厨皇
百味種種并香奉佛及以僧徒同心慶喜又
願持戒誦經念佛行道及造諸功德等當今

施主及同行諸人法界衆生從今已去天神
 影衛^{キリウ}万善扶持^{ツク}福命休強^{キリカウ}離諸憂惱^{リシ}六方諸
 佛護念^ゴ信心^{シン}淨土^{ジユ}弥陀慈心攝受^{シヤク}又願觀音
 聖衆駱驛^{ラクエキ}往來念念無遺^{クワスレ}遙加普備^{ヘテ}春秋冬
 夏四大常安罪滅福成迴生淨土又願臨終
 無病正念堅強聖衆來迎華臺普集^{ソク}弥陀光
 照菩薩扶身^ケ化佛齊心^{シヤク}同聲等讚衆臺一念
 即至西方見佛尊顏悟無生忍仰願往生同
 行人等得如此善又願此功德資益^{シユク}

大唐皇帝福基永固聖化無窮又願
 皇后慈心平等哀愍^{ヒトコ}六宮又願
 皇太子兼恩厚地同山岳之莫移^{カク}福命唐
 類滄波而無盡又願天曹地府閻羅伺命滅
 除罪障^{シヤク}注記善名又願修羅息戰^{シヤク}詳餓鬼除
 飢虛^ケ地獄與畜生俱時得解脫^{トク}豎通三界橫
 拈^{クニテ}九居莫不^{ラムトモ}等出娑婆同歸於淨土^ニ

下座唱七禮

南無本師釋迦牟尼佛等一切三寶我今稽

首禮迴願往生無量壽國

南無十方三世盡虛空遍法界微塵刹土中

一切三寶我今稽首禮迴願往生無量壽國

南無西方極樂世界阿彌陀佛願共諸眾生

往生安樂國

南無西方極樂世界觀世音菩薩摩訶薩願

共諸眾生往生安樂國

南無西方極樂世界大勢至菩薩摩訶薩願

共諸眾生往生安樂國

南無西方極樂世界諸菩薩摩訶薩清淨大

海眾願共諸眾生往生安樂國

普為四恩三友帝王人王師僧父母善知識

法界眾生斷除三障同得往生阿彌陀佛國

和上一切賢聖迴願往生無量壽國

唱竟即云隨意

白行者等一切時常依此法以為恒式應知

送經致何處送至摩尼寶殿中送經致何處

送至龍宮大藏中送經致何處送至西方石

竊寶函中

安樂行道轉經願生淨土法事讚卷下

此經之旨... 願生淨土... 法事讚... 卷下... 此經之旨... 願生淨土... 法事讚... 卷下... 此經之旨... 願生淨土... 法事讚... 卷下...

